

歐

北

集

甌北集卷四十三 辛酉

陽湖 趙翼 雲崧

閱邸抄六月中畿輔大水淹浸數十州縣甘肅又
以旱報 恩詔稠疊蠲賑兼施詩以記事

暑雨京畿甚傾盆日夜潺湲教田變海信有水懷山不
浸城三版都漂廈萬間可憐逃死急一樹百人攀

天因生齒滿借水作虔劉人飽游魚腹舟行老樹頭
堯心正咨傲禹甸忍沉浮蠲賑傾倉庫懸知宵旰憂

秦隴偏無雨農時尚廢耕東西兩界異旱潦一年并天
竟無裒益人應半死生高穹本仁愛此事獨難明

降割憂方劇拯危力已艱那堪千隊賊尚嘯百重山曷

不將災沴移來殺梗頑多應關氣數治久有循環

夜泊京口

濤聲如沸撼江城旅泊孤舟睡不成雲上月光雲下雨
漏穿終夕不分明

佩香女史新築小園戲題疥壁

居然樓閣造空中曲檻迴廊結構工創景直摹仙境界
論才亦莫女英雄人疑精衛親銜石我欲爰居借避風

距避風館
纔數十步

恰傍西津往來路早傳勝蹟滿江東

棲霞港出江風便到燕子磯不及三刻

棲霞出江適天幸逆水順風力相等榜人貪趨江路捷
鳴鉦爭使帆力猛初聞邪許撥長篙旋見輓轡挽修綆

果然快剪剪江行纔瞥一峯又一嶺前驅只有飛鳥疾
後追那許奔馬騁神香半炷未燒殘四十里程到俄頃
馭風不減奇肱車飛度空濛掠清泠惜我老來心膽怯
身雖晏坐心暗警謝安雅量徒外强管寧坦懷猶內省
憶昔兒時讀詩賦每遇江山慕奇景胸中已有九雲夢
眼底遂無一溟滓二十赴舉過金焦笑比蹄涔泛舴艋
如今年久閱歷多一涉畏途心輒慄寧復開口堪吸江
直欲繫腰始觀井五十餘年一俯仰皺面忍對觀河影
題錢撫棠少宰滌硯圖

吏部文章仰退之陶泓餘瀋尚淋漓人間溪沼那供洗
怡取澄江作墨池

廬山歸宗寺有
右軍洗墨池

散作玄光萬頃波餘芬沾溉後生多引他舐筆摘華客
劬學爭將鐵硯磨

一硯頻教洗碧泉名流癖好總堪傳公家架筆珊瑚格
曾費思公購十千

侍直曾依朶殿高使星歸去肅旌旄
帝鴻硯畔霑賡和預洗羅文待染毫

題借菴詩僧小照

早修淨業厭塵紅占得焦廬地幾弓恠底好詩清入骨
一生常住水雲中

題族孫子克松陰散步圖

君家住近白雲溪垂柳陰濃畫閣西想是畫師身未到

只將松翠寫幽棲

遊孫淵如觀察園亭愛其松石古秀正欲題詩疥
壁適觀察以萬卷歸裝圖索題遂牽綴成篇請
正

詞館才人畫省郎出膺使節暫還鄉書生大有誇官處
豪擁歸裝萬縹緗

買得亭池一畝宮恰堪排列萬籤雄子才已被園林誤
只恐園林又誤公

滿載琅函又買園共疑寒素變豪門誰知手曬羣書外
曬到巾箱犢鼻褌

果然水木湛清華恰稱橫陳萬卷賒笑我方將賣書籍

卜鄰來問爾東家

莫愁湖

一片風漪望渺茫湖名猶借美人香始憐百尺胭脂井
不及雙棲玳瑁梁異代別歸湯沐邑遊人猶愛水雲鄉

李松雲太守新葺湖上館宇

隨園弔袁子才

小倉亭館記追攀訪舊重來淚暗潸勝會不常今猶草
名園無恙尚青山詩文一代才人筆花月平生散吏班
我亦暮年難再到爲君多駐片時間

偕孫淵如汪春田兩觀察遊牛首山春田後余二

十年作鎮安守述余舊事甚悉故末章及之

石城南望兩峯寒勝侶相招躡翠鬟海內幾人同逸興
江南無處不名山地傳朱雀橋相直路北黃牛峽易攀
衰老自憐難濟勝層椒臨眺亦忘還

拱衛金陵鎮上游六朝遺跡至今留天開都會蒼龍關
地控郊原白鷺洲松老都從千歲上塢高更出萬峯頭
支筇自暢登臨興肯爲山名感爽鳩

龐然大物踞江東兩角峻嶒聳碧空幾欲觸天成八字
漫占眠地出三公茸茸榛翳蒼旄厚落落岡巒骨骼通
笑我登臨山脊上幾如騎背牧牛童

宦跡南交已久忘因君重憶舊巉巖疆竭來兜率嵯千級

追話華胥夢一場豈有袴襦畱叔度空傳尸祝到庚
桑祗應先後同官遇便似停鞭說故鄉

看山

物色難窮意想間始知閱歷老猶慳千形萬狀無成格
天上浮雲地上山

歸途順風

雨過西風送客歸江帆獵獵去如飛似償三十年前
十日停舟燕子磯

剪江一霎不煩催看得羣山似走回纔到棲霞逢猛雨
我船已進內河來

與稚存相訂同遊金陵余以兒輩赴試期迫遂送

考先往及稚存到而余已歸茲各述遊跡率賦
已約同游白下亭無端先後各揚舲恐君詩要壓元白
使我身如避尹邢牛首雙峯凌岌業燕磯十洞闕瓏玲
採奇各有雄誇處互述芒屨所未經

稚存未到牛首其所遊燕
子磯一帶巖洞余亦未到

偉兒塋金壇之夏蕭村哭以送之

不忍將兒遽掩藏五年棺尚殯帷堂愛深翻惑青鳥說
遠送枯骸塋異鄉

地近華陽古洞天宿緣應許侍茅仙此阡或便當尸解
好認前身已蛻蟬

諸子中惟汝肯堂偏家本色陋膏粱祇今十具牛空在
付與何人作主張

長江集 卷三
昔哭兒亡淚湧珠而今愈老愈乾枯非關日久餘哀減
卻到憑棺淚也無

葬同羸博見無期冤氣由來無不之他日乃翁游岱去
不知可有再逢時

喜廉船老友過訪兼以誌別

邦江悵別久離羣白首重逢設倍殷斯世慙遺猶有我
頻年索處正思君挑燈仍續聯吟興聞笛還傷嘆逝文
際四十年前同輩幾喜心翻到淚紛紛

弱齡才調早翩翩何意饑驅到暮年千里郵塵題壁字

一江帆影運租船

君家軍籍
僉作運丁

緣知長路行將倦喜有各山

業可傳臨別感君問好語爲余八秩賀長筵

約五年後再聚
爲余慶八十也

今歲桂花甚遲九月望前始大開而菊花已爛熳
矣戲效香山體簡稚存

菊花稱晚節於桂猶後輩向來不同時桂謝菊始代胡
爲今年秋兩花結同隊方賞籬豔舒尚喜天香在桂有
香無色借菊發精采菊有色無香借桂出醞醕菊非貪
躁進桂豈昧勇退或爲吾二人同處寂寥內君含老圃
容肯伍凡粉黛我畱小山叢亦壓賤菅蒯共支風露天
一掃胭脂態得句箋互賡談心牀共對相期保歲寒論
交久可耐

京口同佩香女史遊招隱寺獅子窟八公洞綠蓋
樓諸勝

擬爲彭宣問疾瘳江臯不遇且回舟誰知才女佳山水

另作秋來一勝遊

費制府久病清江聞將回江寧故往京口候晤而費公尚未至遂作此遊

支筇來問病維摩早散梨園罷教歌

夢樓已散去歌伶

莫怪臨分

頻執手京華舊友已無多

京口頻經似故鄉重來訪舊一淒涼夢樓老病春農死
得不相從駱佩香

不信山靈解寫真晚秋景又一番新未紅楓葉猶殘綠
恰似佳人半老身

芻甫曾畱屐齒痕我來惜未得同羣風流各自堪圖畫

君挾緇衣我繡裙

稚存半月前偕巨超練塘僧遊此

綠蓋樓題壁

綠葢樓何處層椒路幾彎若無千好樹也只一荒山濃
翠罨重幄老柯皴古斑真成蔚藍界况有澗聲潺

石女歌爲翁悟情作兼柬佩香

化工爐鞴誰能識一樣胚胎搏活脫偏有金剛不壞身

幻山嬋娟鎖子骨

黃山谷詩金沙灘頭鎖子骨不妨隨俗暫嬋娟事見傳燈錄及續元怪錄

禁坑空期有

路通台洞偏苦無門入可惜修眉曼睂姿外是玉人中

是石生小揚州邗水濱曾隨阿姊入朱門

其姊爲和督妾因隨入京縹緗

插架閒供讀統綺裁衣穩稱身畱取待年嬌養慣銷金

鍋裏九年春自知不中採葑菲一片雄心終不已既負

奇軀要出奇芙蓉面粉從今洗曾聞潘姥稱將軍

楊大眼妻見北

史何必木蘭讓男子遂拋巾幘改衣冠

改作男子裝習騎射

夜習韜

鈴晝矛矢綵裙脫去著繡襦纒足放開穿革履公孫劍
器蠕蠕弓

高歡娶蠕蠕公主射
能落雁見北齊書

跨馬疾馳三百里破賊思隨娘

子軍守城好助夫人壘誰知有志竟無成朱門忽傾阿

姊死

和督病歿於湖南軍
中其姊聞之即自經

南還故里已無家踪跡飄零似落花

已作健兒縛袴襦肯同商婦抱琵琶只有空門堪送老

擬皈淨業前楞伽一朝邂逅吟紅女莫逆論交水投乳

小姑居處本無郎正少孟光來賃無畫船同載過江來

茗椀筠爐共環堵

佩香招與
同居京口

若論平日粗豪氣也愁變作

胭脂虎豈知風雅有夙緣已自好文不好武巧思原工

織錦機師資更得修月斧閒陪拈韻墨花鮮兼學畫蘭

風葉舞對局圍棋午一杯分燈繡佛宵三鼓天上嫦娥

暗羨他黃寒無此好儔侶從此清涼過一生不知何物
是風情遂把俗緣勾一筆悟情兩字換芳名我來相遇
京江許石不能言乃傾吐本非望夫所化成甘此硜硜
竟終古我聞石亦有點頭未必胚胎盡頑魯譬汝豐肌
弱骨身一旦改粧卽鎗楚試學女媧煉石功凡有缺陷
皆堪補異時倘應長吉詩石破天驚逗秋雨

送味辛族孫赴青州司馬任

十載前頭送出山風烟相望渺江關豈期年老桑榆候
及見官遷錦繡還此去但祈親飯健向來已悉宦途艱
計資不此江州白七品班更五品班

由中書俸滿遷
官今乞假省親

京口晤制府費公

河隄千里駐驂駢防過秋濤始奏歸功在無形民受賜
政成有感水收威燕秦旱潦皆災劫楚蜀烽烟尚殺機
獨有江南人衽席非公福曜更何依

榮戟南邦坐鎮雄頻叨嘘拂到衰翁卽今晚景優閒日

猶有餘光照耀中守洛奇章榮白傳

牛僧孺爲白居易制科所取士牛以宰相留守洛京

居易住履道里正
在管內遊從甚密

興唐房相溯王通

房杜皆河汾弟子

情深最是停舟

話爲我遲留半日風

孫九成秀才自金陵來訪不值留詩集見示卽題
其後

隨園諸弟子君最擅清裁上下千秋業東南一代才名
高鸚鵡賦家仿鳳凰臺枉訪偏相左空齋屐齒苔

舟泊太湖

峭涼時節未丹楓萬頃晴波映碧空星月滿天人半醉
扁舟夜宿太湖中

愁來

愛閒心值得閒時偏有愁來攪夢思始悟香山以樂死
只因年老尚無兒

閱邸報同年馮魯巖總憲病歿詩以哭之

同年同直最情真邸報驚傳遽餽巾道遠不通音問久

官高常自簿書親

公常勤於東顧

掌綸樞府馳軍檄

直軍機處最久

建節巖

疆靖塞塵

巡撫

至竟蓋棺勞績著祭壇

恩命自天申

特賜祭一壇

征南重憶共軍門

公先隨明將軍征極次
年余亦奉 旨從軍

極目炎天瘴霧昏公

幸得還鳶尚跼

小姑有
之變

我來無用蝨空捫

指瘴癘
渡江事

前塵杳杳

都成夢舊雨茫茫易愴覓今日更增聞笛感同時幕府

幾人存

經畧傅公將軍雨阿公幕僚劉竹軒孫補山錢克齋
趙璞園及公皆下世存者惟王述菴惠中丞及余耳

朝眠

虛負歸田歲月閒更無一事可流傳只勝踏鼓東華客

省得宵興數十年

吳大司成穀人終養南回枉過草堂卽席送別

陳情一疏返江臯六館諸生悵望勞歸計自因將母切

盛時豈以去官高餘杭山喜雲歸岫通路亭先水落槽

九月中發舟
大水已退

早識倚閭人慰藉稱觴時正熟香醪

髻頭戲咏

髻頭爲本朝令甲類從未有咏之者以非中土舊俗也抑知其便民用有不可思議者爰賦詩以張之

盤古以來無此快霜刀
髻得顛毛下鬢冒著面可飾觀
獨有髮根癢如疥古聖料理有不到兢兢但以毀傷戒
坐令髻髻結挽勞更復指爪勤爬搔聞雞既須起櫛沐
擇蠶又費搜逋逃偶然得暇一梳洗已暢披拂風蕭騷
豈知氣運隨時闢萬古蒼華鬚有除革遂將黔首試鉗
鉗初疑殺人此寸鐵郢斤斲聖乃不傷其過如風了無
迹有疵不用吹毛求有結已如迎刃釋斯須露出圓顱
光木落山童轉高潔我思頭上戴髮如毛蟲天鑄人樣
本欠工畱之無用去斯快此卽輔相裁成功髻短况教
男女別辨長弗混僧俗同是於風教亦有益何必簪導

勤修容古制小兒原剃髮髭彼兩髦異弁突剃幼何不
剃到老直待我朝補其闕笑他宵雅周詩人只記古
妝詠緇撮

同年王惺園相公見余廿二史劄記有感於前朝
荆楚流氛事手書遠訊敬賦奉酬

千里郇箋到草堂離懷時事兩蒼茫公真與國同休戚
我已無人問在亾身退敢思投筆奮官高共仰運籌長
狀元宰相榮華處知爲憂勞已濟忘

五十年來幾戰攻蓋天塞地國威雄長征曾過旄牛徼
近勦翻遲汗馬功台鼎地尊當局苦江湖身遠隱憂同
卻慚紙上談何益不及行間兩石弓

登陽山絕頂

登高想見昔鴻濛一片川原緯繡中目力窮如天地合
心神超到古今空羲軒有號先堯典混沌初開豈禹功
至此直思元會始欲將茲紐問高穹

疑團

一物何能恥不知荒唐呵壁祇生疑思窮盤古胚胎日
想到尼山襁席時鼎鼎百年幾兩屐茫茫千古滿盤棋
笑他如豆書生眼徒詡生花筆一枝

感興和放翁韻

少年鼻息薄星河只覺將來歲月多壽命誰看天倚杵
身謀俄想日揮戈過來富貴邯鄲夢老去英雄敕勒歌

至此始悲無立足求名學道兩蹉跎

靜裏

靜裏檢身心方知老境侵多餐愁夜飽少寐強宵吟漸
覺書無味空期藥有靈所悲精力減難造古人深

去歲秦淮旅次有江寧張紫澗秀才以詩贊謁攜
歸展玩尚未報命今又枉寄長篇一千三百餘
字盛相推挹愧不敢當又抄其亡友蔡蘭谿秀
才舊題拙集之作見示并見其篤於風義爰賦
奉答

金陵江上浪滔滔流入才人筆湧濤顏魯公書紙透背
顧長康畫頰添毫輩行折節虛懷見風雅論交結想勞

遺筆更爲公友致此情尤比范張高

附題甌北詩鈔

蔡洲 蘭谿

拍案忽狂叫其人世所無天教爭一代名早重三吳
手握生花管胸藏記事珠試看排蕩處非陸亦非蘇
天外落奇想江山助壯神滿身都是膽著手便生春
自足誇前哲誰能步後塵願沾香一瓣低首拜斯人
強咏

老去殊難遣歲華齒牙脫落眼麻茶易饑爲喫冬春米
少睡思煎夜合花已視鉛華同嚼蠟翻嫌鼓吹似鳴蛙
頽齡惟恐增衰颯強咏飛騰暮景斜

雨村觀察自蜀中續寄詩話比舊增多戲題於後

河嶽英靈一代收明簪想見廣交游成如蜀錦千絲集
寄自己船萬里流儒者當爲非一事才人癡想是千秋
祇應占得騷壇將羣仰旌麾在上頭

君舊有將軍之
號故戲及之

一編排纂遺蕭閒意在多收不在刪無我文應推阿士
是誰詩敢壓香山姓名暗數稀同輩旗鼓相當又一班
自是高名能號召並時聲氣逼人寰

蕪詞謬辱故人知遣與名流並轡馳世不乏才常接踵
士皆爭勝孰低眉事關公論情難徇人以詩傳品已卑
敢比湖州楊伯子自攜畫像出生祠

楓橋夜泊

客枕聞鐘破寂寥因詩想見昔楓橋如今鐘也聲難到

歌管三更尚市囂

不寐

一夜何曾睡朝來兩眼紅
天如雲霧裏人在夢魂中
鼻息無雷吼面門有火攻
羨他僮僕蠶頭易觸屏風

驟雨

驟雨來倉猝憑空起怒塵
雲圍天界窄風挾海聲驕
林鳥歸飛匿河魚逆上跳
寧徒老農喜我亦滌煩囂

旅宿暨陽

近游百里暨陽偏又是江城
一宿緣柝盡荒雞催客起
燈殘饑鼠瞰人眠亢倉畏壘
非逃祝子厚愚溪擬卜廬
那不逢場聊作戲七旬以外
總餘年

暨陽望海

決眚真教目力窮，憑高一覽大瀛東。
五更紅湧扶桑日，萬里青排舶趠風。
勢絕中休無過鳥，氣能橫跨只垂虹。
正當海不揚波世，何物萑苻敢逞雄。

蕭山汪氏王徐雙節母詩爲其子輝祖進士作

鬢髻冰霜凜不移，兩嫠共守一孤兒。
人間真有同功蘭，都作寒機寡女絲。
寸草春暉報恐遲，一編霜哺乞題詩。
白頭孤子榮親意，絕似吳門袁重其。

憶漁塘別業

別業陽湖畔，塘魚夥。噉啜春風水，楊柳秋旭木。
芙蓉已

擬焦瑕築俄遷畏壘踪移家真失計辜負手栽松

偶書所見

老尚手一編藉作消閒計或謂今生書可爲來生地樂
全未了經香山之無字皆自夙世來徵驗若左契我聞
喜不寐一讀便兩世卻笑老健忘掩卷已不記及身尙
如此遑問他生事

墮地第一聲開口便是哭可知有此身卽是苦所伏維
苦斯活身手足供口腹其理本公平習勞以養欲乃厭
四體勤專想飽且煥試問從何來召苦必更速世上苦
人多總爲貪享福

無貴賤何歎無富貧何疚君看飲啄禽千古少爭鬪人

則等級殊榮利百出誘遂起貪伎心智力角勝負小則
滋訟獄大則興戰鬪好醜兩相耀殺機遍宇宙吾將問
真宰此害誰任咎

才士好自負謂人皆遜予豈知有心人弗肯高自居君
看甫於白愛慕終不渝昌黎遇東野名位已迥殊乃輒
推爲龍願作雲前驅是知集益勤其心彌冲虛惟知不
如人是以人不如

讀史

一編青史幾千秋都入燈前大白浮
進去臥龍空伐敵時來屠狗亦封侯
六州鑄錯終存鐵萬里乘風或覆舟
歷歷古今成局在興衰不盡繫人謀

題芳茂山僧寺

無山空買一株藤
競想逢山快一登
嵐翠滿庭門晝掩
有山不看是山僧

偶醉戲作

自古多才子詩豪必酒雄
自慚一杯醪便覺滿身紅
飲量已如此吟情當復同
如何猶琢句辛苦欲求工

靜觀二十四首

大易論天道恒久而不已
此從後天觀未究先天始
試思混沌中積氣一團耳
誰鑄陰陽爐一一析條理
寒暑運有期日月行有軌
成法旣一定萬載勿改徙
橐籥太極先天地亦聽使
是何大神通預創鴻濛裏
其來必有

自其故莫能擬

蒼蒼非正色天有氣無質既無質可憑不比地踏實日月何以行軌塗百無失星辰何以繫宿離亦不貸使非有界畫安得無越軼界畫在虛空又何處著筆吾將問司天推測倘有術

謂氣從理出衆口同一辭理從何處來非虛懸兩儀有氣斯心知有知斯是非是非方是理而氣已生之豈非氣在先早爲理之基況或理所無而爲物所有有知變無知連理木不朽無知變有知老楓或成叟試問此何理磅礴出氣厚爲語諸腐儒陳言未可守

入氣有出納一刻百呼吸天呼吸在海日只一潮汐幾

疑天氣遲不如人氣捷豈知天一虛十萬里而遠惟其
太遼濶遂覺稍紆緩鵬鷁同一遊固難共往返

日西沉虞淵宜可稍休息乃復連夕馳東出寅卯刻是
知晝夜忙不敢惜其力獨念太極理動靜每互根唐堯
古神聖耄期亦倦勤何以曦馭速一息無停輪吾恐千
萬年不免略欠伸思窮忽大笑此憂真杞人果至天倚
杵汝身在何處

兩間最恨事莫如天不言初疑天省事不耐聒擾煩豈
知蒼蒼表但以大德敦其餘生殺柄固各有司存陰則
冥司報陽則王法論使必親告諭安得許舌根況彼大
九州睢眊不勝繁勢必遍學語始可訓諄諄天亦當大

笑吾將譯羌渾

日月之運行以東西爲程寒暑之早晚則南北爲限吾嘗出塞北八月已大雪又嘗遊滇中冬至桃花紅江南黃梅雨京畿在大暑閩南臘月蚊浙東蛙春分此皆身親歷非自傳聞得大概氣早遲百里一日差以此計天咫三萬六千里然而南海南不知幾暹耽以及北海北不知幾獯羯重譯所不通氣候更難窮所以雖聖智六合外不議

人沒水則死魚乃生於水人埋土則閉蟲乃穴於地可知芸生饒各自路一條大氣所磅礴水土無不包在水水氣盛在土土氣旺物從此氣生卽以此氣養遷地弗

能良受性固各爽但觀種類殊彌覺化育廣

真宰果有權陰陽能獨擅應只儲祥和不復雜冥悍人有正無邪世有治無亂物不生蜂豺歲不降水旱而乃冥冥中不能盡如願由來此大塊二氣所塞徧有陽必有陰其力各叅半不死安有生不寒安有暖雖以造化功不能偏於善不見一日間晝明而夜暗

物物皆天生自兼陰陽理及至人爲者天何所施技乃如織紗綾自然有表裏甚至寸紙薄背粗面如砥始知二氣遍無不爲所使陰非專主惡陽非專主美兩不能相無一又分彼此此中造化微眼前即可指

避網魚潛淵避弋鳥遁風貪生而畏死萬物無不同豕

蟲雞得食擇肉虎供飼損彼以利已萬物亦無異人寧獨不然莫勿圖自全有害輒思去有利輒欲專聖人立人道乃力矯此弊有殺身成仁毋見利忘義雖則愜於理多不便於身所以莊周言仁義能殺人

習聞古人語天生物養人不曠覽宇內豈知天至仁卽如食需鹽煮海給數省海鹽不到處別有池與井

滇蜀鹽井秦晉

鹽池

戎羌無井池晶鹽自生境

戎番掃地皆鹽色如水晶味極佳

又如漠北地

寒不生五穀偏有好水草供其廣游牧草以養畜命畜以飽人腹卽此可類推何況用五材天之於斯人亦太厚矣哉

洪荒甫一闢卽強食弱肉飲血而茹毛久已習成俗人

多物難供益之以五穀木棉出近代亦以代蠶簇此皆
天苦心欲稍減屠戮或笑此論迂謂北有獺鬻殺生以
爲糧豈能禁剝剝斯語亦未然吾嘗問戎族肉食惟酋
長餘皆酪充腹日烹羊馬乳晨夕當饘粥乃知羶臊鄉
亦稀宰割酷

余嘗問降夷厄魯特據云肉食惟酋長能
之餘則日飲酪漿盡過節祭先始一肉也

天生萬物初一物付一性芥蘆辣難嘗蟀鶉勇易競傳
種千萬年不改胚胎孕種一日不絕性一日不更是以
付物始一付事已竟惟人則不然熏習有不定或先賢
後奸或始邪終正沈充身從逆幹蠱乃有勁盧奕抗賊
死子則藍面佞天亦無奈何又無轉移柄激勸整齊之
此權聽王政

人物共此宇惟鳥去人遠凡跂行蠕動近人固難遣只除六畜外餘害人不淺無論虺蜮毒無論豺虎蝥蚊蟚如芒微蝟毛比絲軟一中人肌膚痛癢輒不免吾方怨天公人幾被物齧卻思人戕物恣睢更無限搜皮到狼狐取肉及螺蜆是知人與物相遇各屠剪竝育不相害此語恐非典

五材民竝用火於人尤切上自鳥雀繁下至蟲魚鱗飲冷而食生不聞病膈噎甚至蠶生冰更或蛆出雪自能孳育蕃不藉烹飪熱惟人稟天陽氣母用易竭火食以益之始補丹田缺可知炎上者專爲人而設奈何資以生輒不知撙節但快己貪饕弗顧物夭折所以杜甫言

燧人之禍烈

人視衆蟻羣同形無分別蟻在其羣內又各自辨識不知蟻視人可能認一一大凡眼有光各隨身大小大視小則蒙小視大則瞭雖有離婁明不知蠅螟蛟何況小視大一覽自了了所以顯微鏡西洋製最巧能拓小爲大遂不遺忽杪

大撓造甲子初但以記日兼記歲月時至漢始畫一千支配五行尤出方士說乃以推生命及凡擇凶吉就其生尅理叅以推算術趨避前民用往往百不失豈非廿二字早默括陰陽信哉古至人神明過倉頡

王者制刑法輕重無弗備虺蜺肆陰毒豺虎逞狂噬何

不設一律使之畏而避乃自臯陶來竟無此條例是知
生殺權僅能懾同類威力所不及神聖亦無計

燈光所不照室暗無所見暗中視照處乃無一不辨是
暗能視明明不能視暗因悟陰陽理陰包陽過半陽事
陰必知陰事陽難斷人不見鬼神卻被鬼神看是以古
聖王精心創幽贊祀先虔致齋享帝嚴殷薦報饗巫舞
工禱祈祝詞善豈徒借設教冥契實有驗千寶無鬼論
固出自狂誕

世傳張道陵能造符治鬼吾心竊疑之從何奉天旨遂
如定法律幽冥咸聽使及試請凡仙乃知非虛詭曾遇
回道人瞬息來千里吾默思一字彼已書在凡先我半

字功捷過駒隙駛滇幕亦設此竟遇曳白子吾思一字

成彼方振筆起困之以不思彼又停筆俟此實我親驗

降壇虛空裏靈蠢雖不同神覓有不死楚俗祝由科村

巫圓恍技萬事無不有未可臆見揣余在京時王孝廉毀邦求設此是日呂洞賓至方判一二

字余默以意續之續動念而亂已書即余所思字也及在滇南將軍果毅阿公子與昇額亦能請仙亂筆動而不成字余試代思一字亂即書之余又以不思困之果筆動而不成字遂默為足成一絕此余所親試也然余所思字初不出口余亦未嘗扶仙但一念動而亂即知惟回仙常早半字頃演鬼則余思一字方書二字耳

古來稱英雄大都出戰功其中亦有別難易各不同時

當開國初兵威如虎熊所至輒摧破策勲爵王公固由

謀勇奮亦乘氣運隆惟有喪敗日力措陷危中睢陽人

肉盡崖山海血紅明知勢不敵百死堅孤忠舉事雖無

成浩氣貫白虹視彼襄鄂徒恐無此英風

古語每易傳雖誕亦流布日中不金烏月中有玉兔嫦娥奔月藏夸父逐日步精衛填海織女銀河渡何一非闢言不值一唾吐乃相傳至今舉世作典故後人苦效顰小說出無數旁羅極諾臯瑱記到堅瓠徒費鑿空撰曾莫有一顧爲語好怪人枉自用心誤

兩間無用物莫若紅紫花食不如橡栗衣不如紵麻偏能令人愛譙賞窮豪奢詩詞亦復然意蘖抽萌芽說理非經籍記事非史家乃世之才人嗜之如奇葩不惜鉢肺肝琢磨到無瑕一語極工巧萬口相咨嗟是知花與詩同出天菁華平添大塊景默動人情誇雖無濟於用亦弗納於邪花故年年開詩亦代代加

謝未堂司寇挽詩

黃髮番番仰老成忽驚笙鶴遠相迎科名海內無同輩
花月江南過半生公里居將四十年勝會空懷紅藥圃游踪忍到
綠楊城從今先達俱亡盡更爲何人把淚傾

內姪劉懷英自綿州歸述川中已無賊賊皆聚鄖
陽山中其勢漸衰官兵亦四面堵截數月內可
掃平矣詩以誌喜

勦除喜信自川中擄掠無資賊亦窮狡窟雖遲深入計
周陞漸有合圍功薪炊卽嶺枯骸白刀洗巴江熱血紅
不枉衰翁吟望苦及身得見賦櫜弓

稚存見題拙著甌北詩話次韵奉答

論古雖如廷尉平詩文事已一毫輕但消白首無聊日
豈附青雲不朽名老始識塗輪早見貧堪鑿壁借餘明
只慚結習癡堪笑猶是燈牕未了情

何限紛紛著作林揀來只剩幾銖金論人且復先觀我
愛古仍須不薄今耳食爭誇談娓娓鼻叅誰候息深深
錦機恐負遺山老枉度鴛鴦舊繡針

晚知甘苦擇言馴一代風騷自有真耄學我悲垂盡歲
大名君已必傳人幸同禪窟參三昧不笑元關隔一塵
從此國門懸呂覽聽他辯舌騁儀秦

丹陽狄秀才 夢環 以余與子才心餘舊有鼎足之
目而幸余之獨存也寄詩推重愧不敢當賦此

奉答

蠟車醬醢敢求知何意牙絃遇子期愧我已如雞肋棄
笑君母乃虎頭癡江湖同調人千里旗鼓相當彼一時
今日翻增鐺脚感折餘一足豈能支

閔邸報殘賊勦除將盡蕩平有日矣誌喜

提音絡繹報星郵劫數將終局易收賊勢已同强弩末
軍聲行唱大刀頭人烟斷處還甌脫鬼火啼來半髑髏
待得流移元氣復尚煩 宵旰幾年籌

但看比戶感恩波早卜鏡簫有凱歌人去空村從賊少
家移遠寨還兵多貲糧木杪分猿果塢壁山巔俯鳥窠
今日漸堪歸里社重攜鋤耒理田禾

衰態

衰態今年甚精神恍惚看燈前敲石火飯後問朝餐客
厭言辭複僮嫌服侍難只餘詩興在亦漸少波瀾
也識書何味徒虧目力微因之姑舍是忽又悵無依食
蓼蟲雖苦搬薑鼠豈疲笑看殘帙在吾與爾同歸

是誰送信洩春覓惹得偷香賊滿園一樣貪花輕薄性
螫蜂強暴蝶溫存

春風齊入百花村掠粉含香各飽殮仗倆既殊高下見
一收花魄一花魂

全惕莊織造七十壽詩

海籌添報日初寅正是香天浴佛晨宦績不離財賦地
官資久屬老成人笙歌十部吳趨曲燈火千檣潯墅津
舉案更欣同介慶迦陵仙韻共鳴春

揚州花甲記開筵江介宣勞又十年南國威名英蕩節
尚方經費水衡錢老能健飯鬢眉壯功贊

垂衣黼黻鮮我是平津舊賓客喜隨公作地行仙

山茶盛開邀去年諸同人小集時稚存遠出劉瀛
坡總戎新入會

東風吹透海紅鮮重盃朋簪接去年不特花容如舊豔
看花人亦健如前

同會人中有遠行正憐七老少盧貞天緣巧補香山數

香山繪圖
初本七老

失一兵仍得一兵

占得名花敢召賓盤餐莫笑庾郎貧珊瑚滿樹紅於火
我亦人間石季倫

城外閒步

春暄猶未脫吳綾流覽風光力尚勝簾閣燕尋曾宿壘
池塘鴨浴已融冰野花地僻無人賞廟樹年深有物憑

最是鄉鄰淳樸意相邀村酒醉憎膾

燕來巢

春燕飛來結壘工笑同賃廡到梁鴻客他夫婦雙雙住
我亦高人臯伯通

兒曹探卵恐難禁竟不隄防意外侵知我刑于施有政
一家童子總仁心

玳珉無梁似野巷慚他朝夕進風檐聊申僮約行方便
教緩垂簾早捲簾

往跡烏衣地望華召平今種故侯瓜莫將僑寓誇門第
我已尋常百姓家

運河夜泊

扁舟野宿碧天澄
星斗闌干亞玉繩
三匝未棲烏鵲月
一行斜上紙鳶燈
戲場寂散無留客
酒肆喧歸有醉僧
自是太平豐樂象
獨憐荆楚尚軍興

野步

一夕春風送豔陽
爭尋紅紫賞韶光
農家自有名園在
油菜花開十里黃

楊桐山招飲洋杜鵑花下饌精花盛卽席二首

老夫昨日已不飯
爲有今朝美肴饌
果然雋永出卽厨
入口幾疑易牙撰
色潔先招目食饒
香清更引鼻觀羨
斯須舌本溢芬腴
咬咀未忍遽下嚙
世人競詡開華筵
廣徵水陸窮蹄筌
可憐烹飪不得法
枉費何曾一萬錢

豈如君家食單好至味原不逾肥鮮同是三題作文字
妙手獨抉題真詮遂擅個中三昧秘其味可領方難傳
緊余不比窮杜甫冬菹土酥便輕許也曾喫過五侯鯖
等閒烹炙不足數君獨能教飫老饕酸醎想見手親調
爲我一番捫腹快費君幾夕用心勞卻愧儒餐本草草
蠲齒曾堅菜根咬爨底勞薪雖識味家常那得此精好
笑比江陵張太師今日吳庖纔一飽

開到茶蘼花事了坐待荷花時尚早杜鵑伺隙巧彌縫
五月之初四月杪我昔滇中看此花騰衝城東王郎家
三千柯列錦步幃竊紅嫩紫紛天斜但皆粗材山躑躅
未有高品來瀛壖君從何處得貴種二十四盆一庭擁

恰如嬋娟列屋居各逞妍姿欲爭寵就中兩株壽百年
老幹著花更繁冗廻旋枝作蛟蛇蟠爛熳光絢雲霞湧
重樓疊閣四五層高不盈丈大纔拱乃知此花長養難
性既愛潔身畏寒不知多少滋培力始得今朝倚醉看
嘉樹成行洵可譽邀客况兼工治具雅興君真好事人
清遊我得賞心處便思步履日來過月影涼宵露華曙
莫漫援他蜀魄名拒人謂不如歸去

題唐斯盛秀才雙松小照

老幹雙撐耐凜冬撫松人亦挺孤踪雙松便是三松畫
一是人松兩木松

王夢樓輓詩

哀音來自鎮江濱竟喪維摩示寂身
蔬筍持齋將送老碑銘賣字未全貧
一科先我爲前輩百里因君有近鄰
從此故人都哭盡他年哭我更何人

早膺華組早投簪別借疎狂耗壯心
生有笙歌矜馬帳

家有梨園小部

死猶詩句在雞林

君少時隨冊使對琉璃王

點癡各半無真癖謗譽

相兼有賞音要是人間名士氣祇今又作廣陵琴

稚存往寧國時曾約同遊黃山遲余不到歸以負

約相嘲和韻報之

孤居足不出鄉土那得一豁塵襟腐自君前歲塞外歸
勁敵相逢互客主過從不覺步履頻治具寧嫌盤格粗
有花必酒酒必詩正是酒龍遇詩虎意珠不畏驪頰探

思縷直傾蠶腹吐始知草聖運腕神端仗劒娘門眉嫵
朋簪樂事此焉最冠蓋西園何足數無端飄風吹萍散
聘幣到門君出戶爲增山路撻雲篇拋卻鄉園行藥圃
臨分約我黃山行覽勝歸來過端午老夫已辦宿春糧
敗興忽停發船鼓遂招諾責暗訕嘲摩壘致師將覆楚
淋漓大篇五百字咄嗟立辦一炊黍公然欺我老無力
謂此衰孱勇難賈憑凌直欲以氣吞三寸筆鋒當刀斧
豈知我昔亦壯遊歷險探奇不知苦從戎曾到日南天
親領羌渾狎獷鹵高黎貢山一萬丈五十三參等堂廡
仰瞻星斗手欲捫平視華嵩首寧俯三休三上拚膂腰
一掩一重爲肺腑比似天都六六峯各有玲瓏碧虛府

巨鞭更踏五管東羅浮秀發亦罕伍蓬萊左股夜失卻
風雨漂來止其所天雞一聲海日紅不扞扶桑慚不武
飛雲終歲不見頂

飛雲羣爲羅浮最高處終歲雲封故不見頂

并陋黃海鋪綿裀凡

茲絕境悉親厯眼界奚止小東魯興來不禁嘯蘇門狂
甚那肯暗河渚是時君纔課童律一穗寒燈瞰饑鼠如
今才名雖蓋代何得便將老成侮勸駕偶發王猷興停
車亦豈臧倉阻倘因負約輒見凱勢必尾生死水滸已
拚頭地讓君出那把降旗強我豎君子不欲多上人有
才安得獨千古

午節攜家人水閣小酌看夜船燈火之盛

蒲觴佳節晚開筵正是雲溪雨後天小閣杯盤冬釀酒

滿河燈火夜遊船紅塵不到清涼界白首猶留矍鑠年
地是恬熙人老健更何賒望乞天憐

荆巫

莽莽荆巫地千山瘴霧昏尚聞旄也吹未見鹿斯奔神
女朝雲廟明妃夜月村五年經俶擾可復有雞豚

出郭

纔脫吳棉尚淺涼恢台夏景倍舒長學飛燕尾雙開剪
對語鶯吭並鼓簀候屆耕鋤農滿野香生餅餌麥登場
自慚游惰無營業高柳陰中話雨暘

不寐

一夜難安枕初更到曉烏撲蚊翻擊蠚搔蝨至傷膚我

豈有羶行渠偏善驚趨茫茫天地內此輩詎勝誅

池荷

漸涸荷池淺露沙亟思甘露潤根芽一般望雨關心處
農爲田禾我爲花

呼匠刷印所著詩文戲作

恨不借祖龍火燒盡好詩獨剩我恨不借黃虎刀

見明史
流賊傳

殺盡才士讓我豪笑問此心赧不赧要顯我長幸人短

果能置身萬仞岡何山敢與爭低昂乃欲臨深作高蹇

固知所挾本淺淺歸田已歷三十年著書未滿二百卷

余所著咳餘叢考四十三卷廿二史劄記三十六卷臨北集四十四卷唐
宋以來十家詩話十卷 皇朝武功紀盛四卷雜記四卷共一百四十卷

螢入書室

炳燭焚膏念已灰夜深暗坐眼慵開流螢只道猶勤學
飛入書窗映字來

好雨

好雨栽秧早纔栽雨又添人工天總代秋稔夏先覘濕
歷青裝重勻浮翠剡尖江南真福地穩放老夫潛
已驅秧馬過寧藉土龍求狂吠增田蛤間眠到水牛勞
皆忘襍禩兆已卜車簪并省豚蹄祝天心亦太優

散步

一蝸廬內有清娛散步芒屨踏綠蕪蝶不乞糧花作飯
蟲能識字葉鏤符豪除北里笙歌部聞訪東坡笠屐圖
太息生平高位置何當如此老潛夫

目力

兩目雖存力減前
臨文敢怨視茫然
自從六歲攻書起
我已勞他七十年

杜門

杜門何所事
三徑滿蒼苔
對酒無談客
憑書作睡媒
坐懷猶不亂
居耦燕無猜
怪底羣情洽
機心久已灰

南村坐雨

幾被老天吞
雲濃裏一村
憑雷聲在甕
怒雨勢翻盆
啼怖兒收淚
奔追客斷魂
忽然風一掃
夕照又當門

荏苒

荏苒流年近
八旬料應牖下可
終身得安田里寧
非福

尚有簞瓢敢說貧聖不能知天外事老猶思友古之人
古人中亦多區別欲向何人步後塵

律詩結句單頂第六句說下香山集中有此體

物性 用進退格

信有人心幻能通物性殊豈惟猿擊劍兼使蟻穿珠雀
啄脾推命蛙升榻教書

皆近日所見

始知周易理格可到豚魚

小北門外覺塵庵

地僻愜幽尋城東易夕陰小橋人跡少古樹佛堂深水
滿蛙喧鼓風高鶴響鈴市闌雖不遠亦足散煩襟

苦熱

火繖當空氣益炎避炎何處覓深嚴汗流似滴鮫珠濕
拂癢思搔鳥爪尖螢可作燈兒剪紙燕將歸舍婢鉤簾

茶爪欲話無人共細碎成詩韻一拈

夜坐

初夕無纖月中庭坐露華繁星紅似沸穹宇碧無瑕浪
說支機石誰乘犯斗槎稚孫誇數典騙我劈涼瓜

早起

趁涼貪早起剛盡五更天月出衆星後鴉鳴百鳥先荷
鋤農適野打鼓客催船忽憶東華路車塵已似烟

久晴

纔欣甘霽插秧青火繖炎官又耀靈大熱得風知不雨
晴空無月更多星井懸汲綆疑焦釜河捲翻車恐罄餅
縱不憂人亦憂已夜深望歲立中庭

毒暑

毒暑今年甚當空煽赤烏人將投炙甕天果作洪爐毛
竅珠拋汗痴根粟突盧何當縮地法遁入水晶壺
燄摩夫未到烟瘴地猶輕犬舌喘長吐烏吭噤不鳴劈
瓜童競奮揮扇僕頻更忽念夏畦苦頓教心太平

王仲瞿孝廉見過

樂事偶相值非關步履尋良朋來不意好句出無心便
覺煩襟豁能消俗累侵黠奴知款客早備一壺斟

老鈍

老鈍人皆棄孤行我自尊門庭無過客城市亦荒村緩
步但三徑小詩多五言草花栽滿地聊復當名園

一室

一室澹無事寂寥性所耽丹砂祛姹女

自香山姹女詩
姹女隨烟飛

黃面

證瞿曇落想到非想常談見不談惟將本來賢受和保
初甘

泛小舟出郊看田禾

經旬謝病掩荆扉偶泛輕橈趁夕暉知我忘機鷗不避
爲人引道鷺先飛桔槔翻水聲無歇穠稔登場願恐違
見說江南真福地可能連稔慰民依

田家畱飲

豆棚瓜架捲溪濱老瓦盆畱客飲醇露綻葡萄肥馬乳
風搖薜荔活龍鱗牛羊斲草無分地鵝鴨歸闌不誤鄰

看到鄉村淳樸象人間尚有葛天民

艤舟亭小憩

艤舟亭下艤舟時來訪
疎波洗硯池紅苔挺生剛有骨
紫薇怕癢嫩無皮假山未裂瓊瓏石
古木多垂鬱律枝
只爲毘陵少山水一邱一壑也稱奇

幽事

已謝塵緣罷送迎祇將幽事遣幽情
瓶花浸水無根活
爐火烹泉有竅鳴
龜臥何須彌勒其屐遊要比阮孚輕
天畱老健娛遲暮忍復分營到利名

蔬蝶

蔬葉成胡蝶無知變有知由來無盡理或至不能思月

下楓人嘯山中木客詩拘墟陋儒見安可語靈奇

竹初齋中建蘭盛開招同立菴瑩溪稚存香遠醺

集卽事

賞花各有宜氣味貴相感蘭邊置酒肉見者心一飲是
宜紉佩供未可把杯覽胡爲對清芬召客快一噉開筵
羅肥鮮水陸靡不擘毋乃大嚼奢弗稱素心澹豪舉壓
幽芳岳正好大膽由來主人高品共畹香蒼崔遠飮座
梨庾果出水菖臭味無差池如山谷嗜欖因之腴治具
濃淡兩不揜唐突西家施此事只君敢贏得老饕狂饒
叔腹填坎花前忘形穢飽啖聲有噉

七夕

乞巧期偏值暗宵濃雲作雨正瀟瀟銀河自在雲之上
不礙天孫渡鵲橋

飯餘

飯餘一枕倚窗紗睡起甌香小啜茶
攜得胡牀臨水坐柳陰深處看荷花

魚釜

魚釜游覓未掃平頗聞臺省正修行
四禪地縱堪逃劫大乘經寧便解兵王
縉擬營銅瓦費圖澄倘識塔鈴聲
只愁呂相遊僧寺多少禪鑽競送迎

可型舅兄老而善睡頗以爲苦余方苦不睡不意
其轉苦睡也戲贈一首

人生何者是老福能食能糞能睡足

見明史方技傳

緊余老境日

就衰衰徵尤在眠不熟眠不熟百苦生暗數一更又一
更翻似聖賢養心法虛靈不昧常惺惺初焉手脚熱旋
復屑舌渴曾無淑女繫寤思輾轉反側竟終夕朝來如
在雲霧中扎闔枉祈日交曉羨君黑甜味獨長軒駒時
入華胥鄉午簾弗驚幻蝶幻宵衾弗覺荒雞荒倒身甘
寢百疾愈此天私厚俾壽康胡爲翻恐涉昏惰欲作魚
鑰夜司鎖我聞春困堪賣瘧堪粲邯鄲枕借不能希夷
方覓亦可君不願作瞌睡漢去掇狀元五雲朶何不結
柳爲車縛草爲舸將此睡魔來送我我當移與君對牀
分君三昧北窗涼君如飲醒酒湯我如嗅返魂香臧君

鼻息輒雷吼省我目昔巖電光庶幾嚮晦宴息各守常
只愁同牀又各夢不能隨入槐根洞臥榻旁空有睡人
仍自獨醒聽蟻鬩

石榴紫薇

夏暖春融百卉菲大都數日減容輝種花要看花長久
只有紅榴與紫薇

將屆鬼節適有司斷屠祈雨

古有隨車雨今懸戒殺牌鬼猶求血食官欲表心齋豈
惡過屠嚼聊當打魑骸側聞壇禱切茹素步芒屨

看剃度者戲之

拈花一笑問沙門何事圓顱髮不存我見如來非老禿

青螺滿髻未曾髡

佛像俱作青螺髻則如來未嘗髡髮也

閱邸抄殘賊剿除將盡誌喜

日閱邸抄多報捷計日郎房兵可息朝端久無藍面鬼
天下豈有白頭賊追奔健足雖已疲遊沸殘寇亦無力
行看突豕盡就屠再見哀鴻各安宅風掃妖氛雨洗兵
依舊山青江水碧回首烽烟已七霜追原禍始總堪傷
王法豈能成瘦狗人情大抵恨貪狼但須牧宰皆廉吏
何至川原作戰場

蔣心餘孫

立中

來謁感賦

握手相逢感昔因依稀下蔡傷丰神

用釋

曾看乃父荷衣

拜又嘆孤兒葛屨貧

昔在京時立中父僅十餘歲耳

車笠故交欣有後坵壇

同輩已無人報劉更聽重闌老存歿相關淚滿巾

心餘夫
人尚在

村墟

一兩人心定村墟景晏然趁酤旗影店待渡柳陰船稻
氣香浮野波光濕起烟頗聞田父語今歲又豐年
落日平塘路閒行傍水濱騎嘶歸驛馬斜影過橋人價
賤米登市俗淳醯乞鄰無詩聊寫景亦足豁襟塵

江樓野望

西風吹我上高樓滿目蒼茫入感秋天若有懷應亦老
古而無死更何憂也知身本非金石已聽人呼作馬牛
枉費狂奔夸父杖大江自昔只東流

閱邸抄叅贊德公

楊泰

殪賊首樊人傑於河渠魁

既殲餘賊可不日平矣詩以誌喜

德將軍真健者自從草賊起蜀中六年身不離鞍馬奇

功尤在扼潼河賊方欲渡剽岷峩將軍五戰卻賊返西

川千里無兵戈

贊

其餘勦殺更無數東馳西盪身如梭

狡黠稽誅餘巨孽積年漏刃樊人饑千斤獅豈能手擎

兩腳羊偏供口食磨牙吮血遍剗屠有山皆赭川皆赤

將軍握奇默運籌此賊不滅兵不休惘疑漸蹴豕入笠

羣醜盡竄鄖山幽左肩右監絕旁突前臨大河湍急流

已入危地懽不覺假息方幸釜底遊礮雷一聲我兵起

爭上山椒壓卵累寶牛口又截兩甄飛走路窮齊赴水

賊會跨驪正浮渡一人撒波掣其尾復有二人摔下鞍

可惜同沒奔濤駛雖悲汪錡作國殤且喜孫恩成水鬼
紛紛黨類更無論一時俱葬魚腹死明朝腐齒浮滿河
臭穢薰蒸百餘里快哉此舉殲渠魁破竹勢成不移晷
豈惟此曾已灰滅會看他賊皆風靡白雞青犢次第誅
遍野桑麻樂生理

借月和尚以其名乞詩戲贈

月出照萬方光普何必借既免束縕乞亦省鑿壁假云
胡以借名欲豎昇天架山僧本無求心空萬緣罷燃糠
勤何用囊螢功久謝將欲譜霓裳安有法善駕將欲折
桂枝恐被吳剛罵乃竟不自量妄向清暉貴豈作夜亮
木隨身光四射或誇夜明珠照乘珍無價嫦娥聞之笑

此僧愚而詐殆謂虛空中雖欠不索債卽此貪痴心其
罪不可赦罰守琉璃燈不許風吹罇吾試爲解鈴安汝
毘耶舍昔有韓道人與客泛月下團瓢昏月光頻向筠
簾瀉後當無月夕放出光滿榭與客讌盡歡朗勝燭燃
樺是真能借月神通出變化君果擅此術吾當驗黑夜
謝病

雨後坐月

一天好雨遍郊原四野人情寂不喧秋早金風涼有信
月明銀漢淡無痕偶陳瓜藕供清坐閒聽兒童作謾言

又覺西成豐有象老懷那不樂田園

一院

一院苔痕綠正勻藥欄聊喜踏芳茵風來蕉葉搖紈扇
露壓荷盤瀉水銀巢燕語梁將別主野鳩呼雨似憂民
側聞米價劇來減計日香秬又食新

閱雅存百日賜環集再題

生平才氣最雄豪惹得投荒萬里遙足已烏孫途上繭
頭幾黃祖席前易到戍後有請加重辟者贈送恩旨赦歸得歸殘喘寧非幸善
保高名在弗驕百日賜環詩一卷知君感泣徹深宵

謝蘊山中丞輓詩

久把彭殤付幻緣斯文深契獨難捐千秋勉我垂成業

君見余廿二史劄記
以爲必傳趣付梓

一榜推君最少年正喜書生開府貴曾

招老友對牀眠西湖游醺渾如昨誰料歡場卽別筵

粵嶠三年愷澤濡仍兼風雅領羣儒蒼生共望相司馬

青史幾愁鬼蜮狐

君有樹經堂味史
詩論古最典核

寶炬春秋新補缺

謂所著
西魏書

稀含草木待增圖遙知桂管高名在長繼驂鸞范石湖

聞惺園相公以老病乞休 恩旨慰留感賦

黃閣辭榮引疾堅重臣那易謝班聯人憂朝缺三公論

帝識家無二頃田歸馬輟畱疏傳駕養牛頒慰孔光年

君臣名分家人誼聞者猶爲感涕漣

文端師長孫郡丞

本中

攜其子來常州就婚喜賦

彈指俄驚五十春前遊歷歷記平津曾依講座三重席

喜見師門四代人王謝家多佳子弟崔盧族稱宦婚姻

劉文定

公孫女

祖孫先後來親迎畫鼓紅燈一樣新

郡丞尊人勿泉民部昔亦來常州就

婚吳藩伯家

余親見之

通家兄弟兩連翩

謝京邸

郊園屢對眠遊跡久如桑梓

舊交情深望子孫賢三台繼世榮光遠

時齋已為大司馬

百兩盈

門喜氣填憶昔見君纔卅角也成新婦作婆年

簾雨

綠遍田禾不隔區簾前又見雨沾濡雨絲作經

去聲見放翁詩

簾

絲緯織出幽風七月圖

姜孝子詩

孝子丹陽人名璽父殯在堂值火起急入救遂

死於火父棺獨全

帷堂忽驚烟燄裏不見父棺但見火奮身入救命總拚
不知有火但父棺可憐一入不復出想見赤燂燂肌骨
平明火熄搜殘燒父棺無恙兒骸焦斷礎頽垣劫灰紫
嗚呼孝子此中死我聞至孝通神明雕胡之飯紫石英
姜家故事更靈異舍旁湧出江水味君胡不幸戕其生
洪爐一燎鴻毛輕謂天有昭鑒何不反風迴烈燄謂天
竟不知又似孝感全親屍嗚呼此理不可詰親屍得全
兒願畢

竹初就醫於錫邑之張舍村得詩八章和其二首
郊居養疾有林邱風露寥蕭正素秋安步未須桃竹杖

峭涼初試木棉裘桂花與稻同黃茂湖水當杯引白浮
想遊去最是香塍行藥處閒看村叟弄漁舟

地似東柯谷向陽刀圭試手劑溫涼維摩示疾非眞疾

思邈疏方總驗方已契參同師抱朴君素善導引之術又看尸祝

頌庚桑故知勿藥先應喜別卻溫柔到此鄉原作有離家便是養生方之句

效之

題姜冶夫歲寒知己圖

如何松竹梅三友缺寫虬枝晚翠濃自是畫師工用意
君身卽是後凋松

竹梅本是耐寒枝風格惟當冷淡期竊恐貂狐富貴氣

驚他不敢結相知畫中貂狐裘故戲之

閱邸抄惺園相公以老病再伸前請始 予告竝
許在家食俸 恩禮始終人臣之榮遇極矣欣
美之餘再賦一律奉寄

一魁殿榜便青旻直到鈞衡老乞身遭際畢生無缺陷
聲名他日有清貧優賢特許仍支俸問道行看更從珍
禮記九十如此高風如此福腐儒那得逐鸢輪指殿試名次互易事

讀史

漢王父置俎倘竟遭慘烹後雖成大業終負不孝名葛
王妻被召倘竟受定情後雖正宸極難雪此醜聲兩皆
有天幸一死而一生妻不污釰盒父亦脫杯羹乃知有
道昌天默與玉成

覽鏡

覽鏡真成老禿翁平生枉負氣如虹無名并不愁遺臭
有飯何須說忍窮萬里兵塵衝劍戟一窗燈火註魚蟲
可憐七十年精力徒付人間馬耳風

題方慕雲明府奉萱圖

寫兩像相對

謂是空山出定僧君不入釋家坐禪室謂是嬰兒出面
門見陸放翁詩君不學道家鍊氣術曾經綰綬著撫循是宜貌

出宰官身乃寫幻軀兩相對我知其心別有在循良名
已御屏書白髮庭闈大耋餘歸戀君恩出戀母寸
衷於此兩躊躇昔者堯夫論易法設爲漁樵相問答得
非君以出處介兩岐分作兩人互商畧我我周旋其影

形無言相對意何深一而二又二而一同軀異念各沉吟漫云子面如吾面未必他心是我心我獨信君名教地十載蘭陔孝養備絳趺朱萼映晴萱壽母堂前景穠麗正期寸草報春暉豈羨出山爲遠志卽今寫照別翻新猶似老萊狡獪作兒戲

十月二十二日爲余生辰天將曉忽夢出守廣州

上官爲李公瑚幕友有吳雪清暨內弟高仲馨

皆物故久矣豈余修文赴召之兆耶詩以紀之

鼓缶而歌大耋身榮華念久斷紅塵遊仙夢裏將醒候點鬼場邊待缺人豈有旌麾重出守得非俎豆去爲神爲神自分非南海或莅邕西舊士民

鎮安在邕州西余爲守時頗有遺愛及調廣州殊少惠績也

三十年來著述身只期樸學不成塵誰能沒世後傳世
我亦衆人中一人生不英奇成好漢死何功德作明神
若教廟食羊城路恐少碑前墮淚民

沙山弔閻典史故居

君已謝事倫寓於此因
士民請入江陰守城

十三萬命繫君身那得山村作隱淪

屠城時死者
十三萬餘人

報國豈論

官最小逆天弗顧運維新斷頭巴郡無降將嚼齒睢陽
至食人今日經過投袂處百年猶覺膽輪囷

皇古緒

哈密以外舊皆準噶爾地惟產牛馬羸駝犬羊初
無豕也我朝勦洗準夷後設兵屯田於烏魯木
齊及伊犁等處兼聽內地人占墾於是甘涼民爭

趨之有攜牝牡豕往孳育者日益蕃息今豕肉每
斤三十六錢比牛羊肉雖稍貴然已遍街市矣土
人因指最先孕種之豕曰皇古豬立廟以祀亦新
疆盛事也余甥張潮海官奇台尉其弟鳳超自尉
署歸爲余言如此爰作詩記之

洪荒一開無太古物物脫胎循舊譜豈知孳育千萬年
復有人間豬鼻祖玉門關外物產雄羶獺偏不生貳豨
旣無遼東頭白詫異狀并缺挹婁膏塗禦凜冬胡爲豕
肉賣盈市云自蕩洗準夷始當年戰壘呼癸庚今日屯
田尉戊巳屯不盡者聽占耕多少秦民皆樂徙耰鋤已
遍車師庭收穫更越輪臺址地力沃衍畝二鍾盡改穹

廬作閭里遂有人載婁艾豸移居畧彷彿村夫子當其出
塞離故鄉方恐遷地弗能良邇來蕃息四十載不但罔
養且谷量種殊黃橘過淮甸事等白袍破天荒回溯最
先兩剛鬣得不推本初發祥故應數典不忘祖尺五小
廟隆烝嘗我思中原此物最繁夥豨豕肥腠膾么麼楚
豨齊貌名不同膾脍腊乾味皆可家家烏鬼入槽眠處
處屠門鼓刀剝豪家大嚼誇乳烝壯士生吞亦願朶操
蹄田叟祝甌簍擇蝨村媼呼勃賀竹籬茅舍何處無賤
與犬羊同碎瑣茲獨身入異域以罕珍三千騷九十惇
一齊下風拜路塵遂如樹瘿兒啟高昌地板楯蠻衍槃
瓠孫杜主覓占魚鳧國竹郎族遍梓柯村從此居然不

桃祖香火世奉烏將軍撫茲坎畜熾遐裔彌見國家版
宇極厚坤異哉此豬有何德生在中原長遐僻只因無
豪遂易高竟占隆稱肇開闢定霸猶是商家臣化身亦
祇夏津伯彭亨豈是渾沌形混號荒唐宜早革不然日
久將傳訛冠戴進賢作妖孽我爲藝苑徵故實易以嘉
名最典核袁淑曾冊大蘭王坡公亦志豬母佛

聞各路軍營報捷殘賊計日可盡喜賦

萑苻漸喜熄烟塵屈指軍興七閱春幸未合成銅馬隊
本無能舉石獅人亂來賊勢炊羹沸劫盡兵威破竹神
看到軍驍分隊撤緣知奏凱不逾旬

時黑龍江等
兵先撤回

百年生長太平中日夜蕃滋似蟻蟲造物亦難供飽暖

有身各欲救飢蹙，叢祠鳴火俱行劫。高寨摩雲或拒攻，頻歲刀兵相斬殺。芸生倘藉此疏通

是民是賊不分明，籍籍枯骸無主名。枵腹死猶爲餓鬼，遊覓散豈復陰兵。荆榛黯黯寒燐燄，風雨啾啾夜哭聲。也是閭浮提一劫，翻因凱樂動悲情。

當陽破後戮羣凶，賊亦知兵但折衝。不佔城池防受困，先驅耆尉代攔鋒。運籌大帥思觀釁，坐甲征夫樂養癰。至竟成功須戰將，追奔不避萬山重。

一一渠魁已勦除，縱餘漏網亦窮魚。鄴都造冊筆成塚，京觀築邱尸滿輿。餽餉停來無輓運，炊烟起處有耕鋤。鴈垣百堵看新葺，依舊桑麻景晏如。

寢兵從此息戈矛善後還資計畫周丁壯歸農猶佩犢

鄉勇

田廬無主競巢鳩

賊

甲生蟻蝨兵皆憊

兵

簿校芻糧

吏正愁

事

蕩洗妖氛覃愷澤尚煩

廟

畧幾番籌

觀穫

一幅幽風納稼圖腰鎌彌野慶多稔刮毛地忽低三尺
果腹人皆飽二餉未暇神祠酬酒醴先堪質庫贖裙襦
不知此地民何福歲歲香秔溢市衢

吳蘭雪過訪枉贈佳章卽次送別

峭帆風緊過江來草草杯盤半日陪我讓出頭非譚語

世無敵手始奇才綠楊枝記西湖折

昔與君別於西湖

紅杏花遲

上苑開

下第

卻憶同遊半殂謝那禁別淚滴蒼苔

西湖之遊謝菴山中承賜

星石鴻臚同謫集
今二公皆下世

題文信國致永豐尉吳名揚三扎

名揚金谿人官永豐尉信國勤王時辟署幕尉
奏補江西制幹兼禮兵部架閣名揚專任軍糧
事此三扎皆催糧書也吳氏載在家譜裔孫蘭
雪另梓以傳爰題其後

魯公乞米帖但爲舉家艱旅食充國屯田策事可緩圖
非至亟信公此扎乃救亡欲飽戰士速勤王誰其任之
永豐尉不惟募糧兼運糧是時義旅雖烏合元戎意氣
方騰揚手書籌餉代官檄時危豈論官低昂木牛流馬
未暇製陸則任輦水則航千五百貫官會子早喜頓宿

能供張

書中發一千五百貫
官會充夫脚等費

誓收殘疆完破碎實賴同志勤劬

勦空坑戰敗散如雨何處趙家乾淨土可惜當時眾幕

僚姓名大半草木腐寺井沉函鄭所南釣臺擊石謝臯

羽宋史忠義已滿書吟嘯集亦未及數

鄭思肖謝翱二人宋史
及文山指南吟嘯二集

其蘇何況間關其事人猶貉豕盡點鬼簿此扎吳家獨何

幸鬼護神訶鏤家譜遂令區區一縣尉長附丞相共干

古想見荒天野哭時手抱遺箋淚縷縷經年名刺字懷

袖一寸蠟丸書納股酒悲時復一開看尚覺毫端血花

吐白翎雀調世已彈朱鳥咏詞心獨苦精誠所結不消

蝕又有裔孫起摩撫紙敝雖同晉帖臨

原札已失
學士以爲偽

文存

不待束詩補傳家此卽教忠書故應數典不忘祖

戲題魁星像

北斗爲文昌之府其第一星至第四星總名魁
星決科者咸乞靈焉世遂就字像形作鬼跳躍
爲魁星像近日村劇又增一手執筆一手執銀
錠蓋取必定得雋之意爲赴舉者發佳兆也余
薄有詩名生事亦粗足人遂以魁星目余謂有
筆能作詩有錠可致富一時竟傳爲口實爰賦
以解嘲

老夫顏狀縱不美何至被人擬作鬼世傳魁星主文衡
就字象形出怪偉曷鼻魑顏見者驚度索山中一鬱壘
象形今更兼諧聲一筆一錠兩手擎意取音同必定字

巧爲赴舉兆榮名俚俗無稽堪笑歌無端混號忽到我
謂我才高家又胥班管握右白鏹左書生眼孔真可憐
非指喻指竟妄傳欲將黔婁侶猗頓更遣貫休充謫仙

東坡謂李太白集中笑矣乎等
詩皆五代時貫休等所僞作

我縱有筆堪脫頰不過著書鉛槧冷

豈能造鳳樓扛龍鼎最清切處七札揮大制作來一椽
挺我縱有錠可代耕不過賣文銖兩輕豈能鑄成餅積
滿籬多比孝傑萬鋌庫高於齊泚八尺瓶浪得虛名翻
自喜生已爲神不待死聲望雖無北斗高位置恰鄰東
壁邇幸非盜魁大澤鄉亦豈黨魁甘陵里一个搦管持
籌人竟上穹霄垂玉李賢人聚爲陳實臨少微隕關戴
逵恥由來郎官應列宿安知我不麗五緯他年弄假倘

成真文章司命掌青紫紫府雖讓韓侍中綠袍亦儕鍾
進士樂得人間衆秀才瓣香奉我虔拜起

曉起

寒深夢易醒曉起步莎廳屋瓦霜千片爐灰火一星暖
胸浮大白療眼點空青只苦閒難耐明窗晝治經

閩粵間有所謂天地會者爲匪徒結黨名目余客
閩時已聞之日久益熾今閱邸抄廣東博羅縣
會匪之在羊糞山者不下萬人據險結寨將爲
不軌總督吉公慶提督孫公全謀調兵勦殺追
至羅浮山之華首臺冲虛觀諸處生獲賊首陳
爛屐餘黨亦盡殲洵奇功也喜賦

是我曾遊處天南好澗阿

余官粵時曾遊羅浮

誰知仙佛地竟作犬

羊窩幸未蔓延出欣聞草薶多梅花村在否知剩幾殘

柯

憶昨荆巫亂初猶易撲蚊只因堅壁守遂使燎原焚縱
有全收局何如早奏勲偉茲功拙速省得歲調軍

惕莊織造入覲 恩授內務府總管造辦處寄賀

纔送朝天絳節邁喜聞晝接荷榮遷久勞治賦江淮上
從此依光日月邊八作司稽都料匠六官書補考工篇
早知北上畱南轍悔不臨岐設餞筵

講堂十載傍旌麾賓主流連月有期飲水敢忘源所自
乞漿時荷酒相貽中年人已傷哀樂古道交尤愴別離

我近八旬公七秩不知可有再逢時

消寒絕句

硯冰將釋微含水爐炭初燃未煖灰甚欲負暄晨曝背
又愁風白日邊來

接張廉船書寄答

江程千里接郵箋振觸離懷悵各天過我相留纔幾日
與君重見定何年幔亭空約登山屐前歲曾有武夷之約蘭渚猶遲
下瀨船欲作報章無別語相期健飯到華顛

馬跡山

百里夫椒路清遊又泛舸波開五湖闊天入九秋高木
落山餘骨禾收地不毛平生登覽興臨老齒髭豪

風氣

靜裏觀風氣遷流有疾徐何當人滿後迴憶我生初物
價市三倍人情鬼一車城多新樣髻嘗有不時蔬崑山
更絃索京靴走里墟戲場千步埒神會八摺輿賣菜傭
求盆牧豬奴善撈飲坊喧夜肆遊舫泛春渠翡翠鑲花
銅玻璃嵌綺疏廚羹窮雉兔燈事舞龍魚馬妓覓猶弔
雛姬髮始梳但貪嬉燕雀曾未識犁鋤身計傾危漏時
趨竭澤漁官箴嚴簠簋吏竄橫苞苴白望興無賴未提
妬有餘甘鈴強好劫汝芋富愁狙俗已囂難靖憂將溺
載胥不知從此後流極更何如

前接雨村觀察續寄詩話有書報謝並附拙刻咳

餘叢考廿二史劄記奉呈茲又接來書並詩四

章再次寄答

綿陽西望渺關河甚欲相尋奈遠何壽過七旬猶矍鑠

眼空四海總么麼寄書未卜人還在得報翻欣句更多

深感扶輪賢刺史郵筒雙遞兩翁幡

余內姪劉慕陔牧綿州兩
人書札往來皆慕陔轉遞

京邸相隨步履塵

京中寓舍與君
同在梧桐樹

祇今音問藉鴻賓一封遠

扎修將就千結離腸轉已頻蘭棹難浮三峽水梅花聊

寄一枝春晨星敢謂非天幸萬里猶存兩老人

脞說叢殘孰表彰多煩一一爲提綱

獎許拙
刻甚至

要傳著述千

秋久須有光芒萬丈長名士空多龍足數故人漸少愈

難忘披金倘有沙應汰愛我還期拙代藏

漫將優劣較元劉

來詩以自元劉比袁將趙

迂叟心期迥不侔角立縱

支三足鼎高瞻須更一層樓
擣虛拔幟晨趨壁救敗量
沙夜唱籌戰績中猶分等級
況憑寸管冀長留

得趙雲松前輩書寄懷四首

李調元

見書十倍於見面此語分明奈老何
皇甫序文曾許

矣歐陽詩話已成塵丹徒早抱西州慟

昨過新都見曹秋漁子嘉穀得問夢

樓先生計秋漁諱凝亦出先生門下父子皆宰新都亦奇

碑版空傳北海多莫歎眼昏精

力憊老天畱我兩瞢瞢

憶昔青雲附驥塵君方及第戶盈賓

時君初捷幸已探花

躊躇齋

每招遊侍

齊為汪文端公太老師故居其額尚存

聽雨樓同看劇頻

樓為畢秋帆前輩在京燕客之

所

椿樹醉歸三巷月綠楊斜映兩家春
癸闌猶記回

車過新報余登第二人

癸未禮闈適君分校出闈尚未至家即先過我報余中第二故得捷音尤早至今尚

感云

寄來兩部大文章劄記咳餘竝挈綱早歲腹原充四庫老年胸更展三長繙書似爪麻姑癢掩卷偏愁沈約忘我亦名山多著述未知石室付誰藏

袁趙婉唐白與劉蔣於長慶僅元俸

時有程秀才撰履給拜袁揖趙哭蔣圖甚傳於

世一生此論常偏袒萬口稱詩讓倚樓天下傳人應

首屈世間壽算占頭籌當年病熱君知否伏枕呼瓜

一息爾

昔君在京病熱幾不起有醫但令食瓜竟以此愈

哭楊莊總管之訃

縞紵論交二十春計來那禁黯傷神貧惟鮑叔心知我

貴不宜明面向人方喜清班依殿陛尚聞遺愛在荆津
考終正及還朝後天意分明報盡臣

卿月班聯近紫宸方憂道阻見無因豈期一別真千

古如此相知有幾人高冢松楸丹旆遠

谷已預營塋地

舊壇車笠

白頭新生平不洒無情淚今日竿曇濕滿巾

呂母繆孺人旌節詩

禮未成婚罷授綬貞心偏赴壻垂危笙歌隊裏三生夢
湯藥爐邊兩月期華黍代供扶杖老辦香爲續讀書兒
旌門已賁榮光遠況有蘭咳慰母慈

今歲廷英廷俊各舉一子老夫遂有八孫矣誌喜
一歲添丁報兩回克闔喜氣溢深杯已符八桂林中數

誰向百花頭上開
入抱且娛臨老日
試啼似卜不凡材
家聲敢望荀龍竝
或有書香起蟄雷